

Գ .

Աղուոր մ'ի գընալ տեսայ, կանչեցի թե՛ Կարմիր երես:
Դարձաւ ու ճուղայ երես՝ ես աղուոր, դուն ո՛ր փախել ես.
Աստուած ինձ երես երես, քեզ աչեր, դու կանգնե՛ ու տե՛ս.
Ինձ ըռընտութիւն երես, քեզ կըրակ, որ դու գքեզ երես:

ԲՍԱՆԵՎԵՑԵՐՈՐԴ ՏԱՂԱՇԱՐԲ

ՅԱՅՐԵՆԻՔ ՍԻՐՈՅ ՎԵՐԱՅ ԱՍԱՑԵԱԼ Ի ԱՇԸՔՆԵՐՈՒՄ

Ա .

Երբոր ես պըզտիկ էի, կանչէին ինձ ոսկի տըղայ.
Սեծցայ սիրու տեր եղայ, երեսիս գոյնըն կու գնայ:
Մանկտի՛ք, ձեր արե՛ն ասեմ, որ սիրուն քարըն չըդիմնայ.
Սիրուն քար 'լ երկած պիտի, պողպըտե դըռնակն ի վերայ:

Բ .

Ա՛յ իմ ճերմակ ծոց բազայ, ճերմակ ծոց ու ծիւնն ի վերայ,
Քո բունն ի դիժար քարին, արծըլին ահիկն ի վերայ.
Երթամ աղաչեմ զԱստուած, որ արծիւըն շուտ վերանայ,
Ճերմակ ծոցն ի յիս դառնայ, չարն երթայ շըլեցն ի վերայ:

Գ .

Լուսի՛ն, դու լուսով կացի՛ր, թե կենաս պահիկ մի հուսայ.
Երկու խօսք գանգատ ունիմ, զայն ասեմ լուք այլվի գընա՛.
Գընա՛ 'լ իմ եարուն ասա՛ թե՛ Նըստեր երդիքն ու կուլայ,
Կուլայ 'լ ողորմուկ կուլայ, աչերուն արիւն կու ցողայ:

Դ .

Երբ ես ի Թօխաթ մըտայ, բարակ մէջք կօզալ մի տեսայ,
Ճամբեկս մահանայ արի, կանչեցի տարպեկ մի նորա.
..... աչօք երաց թե՛ Գընա՛,
Գընա՛ 'լ իրիկունն եկո՛, ոտքն ի խաղ, որ մարդ չիմանայ,
Հանչանք գիրկուծոց անենք, պագ հազար, մինչ որ լուսանայ:

Ե .

Եկո՛, գքեզ ի ծոցս առնում, տեղ շինեմ կըրծոցըս վերայ.
Շոցըս քեզ սեղան քաշեմ, ծիծըս բարձ, երեսդ ի վերայ.
Կոճկիկըս թուկեկ կոճկեմ որ հոգիդ ի ծոցիկս ելնայ: